

STUDENTI MAŠINSKOG FAKULTETA UNSA U POSJETI SAMOSTALNOJ SLUŽBI LABORATORIJA TOPLANA I KOTLOVNICI „ČENGIĆ VILA“ 1

Studenti Mašinskog fakulteta UNSA, su 27. novembra 2019. godine posjetili Samostalnu službu Laboratorija KJKP „Toplane – Sarajevo“ d.o.o. i Kotlovnicu „Čengić vila 1“.



Fotografija: Detalj posjete studenata Mašinskog fakulteta Samostalnoj službi laboratorije Toplana

Tom prilikom studenti su upoznati sa zakonskom regulativom i obavezama koje Toplane ispunjavaju prema zaštiti okoliša, kao i unapređenju Preduzeća u smislu povećanja energijske efikasnosti kroz uvođenje najsavremenijih tehnologija, a sve u cilju proizvodnje toplotne energije.

Pored upoznavanja sa načinom rada kotlovnice „Čengić vila 1“ i procesom proizvodnje toplotne energije, studenti su upoznati i sa procesima rada Samostalne službe Laboratorija, a posebnu zainteresovanost su pokazali za pojašnjenje postupka verifikacije mjerila utroška toplotne energije, načinom rada ispitnih laboratorija, važećim standardima, načinom mjerenja kalibracije, te ispitivanja uzoraka.



Studenti nisu krili oduševljenje upriličenom posjetom i omogućenom sticanju novih stručnih saznanja, dobijenim informacija i savjetima usko povezanih sa predmetima koji se izučavaju u okviru njihovog studija, a koje će moći iskoristiti u toku narednog školovanja i rada.



Fotografija: Detalj posjete studenata Mašinskog fakulteta kotlovnici „Čengić vila 1“

Studenti mašinskog fakulteta su pokazali zainteresovanost za daljnju saradnju sa Toplanama , posebno kroz realizaciju zajedničkih projekata na povećanju energetske efikasnosti.

KJKP „Toplane - Sarajevo“ d.o.o.

Sarajevo, 28.11.2019.godine